

## განმარტებითი ბარათი

„რუსეთის ფედერაციის მოქალაქეების უკონტროლო მიგრაციასთან დაკავშირებული უსაფრთხოების ზომების გაძლიერების შესახებ“ საქართველოს პარლამენტის რეზოლუციაზე

ა) ზოგადი ინფორმაცია რეზოლუციის პროექტის შესახებ

ა.ა) რეზოლუციის პროექტის მიღების მიზეზი:

ა.ა.ა) პრობლემა, რომლის გადაჭრასაც მიზნად ისახავს რეზოლუციის პროექტი:

რეზოლუციის პროექტის შემუშავების მიზეზია უკრაინაში ომის დაწყებისა და რუსეთის ფედერაციაში გამოცხადებული სამხედრო მობილიზების ფონზე, საქართველოში რუს მიგრანტთა მზარდი უკონტროლო მიგრაციით გამოწვეული, სოციალური, ეკონომიკური და სხვა სახის გამოწვევების გაჩენა. ამასთან, რუსეთის ფედერაციის ოფიციალური წარმომადგენლების მხრიდან კეთდება პროვოკაციული განცხადებები საქართველოსთან პირდაპირი ავიაშიმოსვლისა თუ დიპლომატიური ურთიერთობების აღდგენასთან დაკავშირებით. ყოველივე აღნიშნული დამატებით საფრთხეს წარმოშობს საქართველოს ეროვნული უსაფრთხოებისთვის, საფრთხეს უქმნის ქვეყნის სტაბილურობას და მის საერთაშორისო სტატუსს.

ზემოაღნიშნული რისკების ფონზე და იმის გათვალისწინებით, რომ საქართველოსთვის არსებობს რეალური შესაძლებლობა, მიიღოს ევროკავშირის წევრობის კანდიდატის სტატუსი, მნიშვნელოვანია, საქართველოს ხელისუფლებამ ფართო გეოპოლიტიკურ და უსაფრთხოების კონტექსტში განიხილოს რუსეთთან პირდაპირი ფრენების შესაძლო აღდგენის საკითხი და არ გადადგას ნაბიჯები, რაც დამატებით რისკებს და საფრთხეებს შეუქმნის ქვეყანას;

ევროპული ოჯახის წევრობისაკენ მიმავალი გზა, ქვეყნისათვის მნიშვნელოვან რეფორმებთან ერთად, აგრეთვე უკავშირდება ევროკავშირის უსაფრთხოების პოლიტიკის კარგად გააზრებას და იმ პრინციპების შესაბამისად მოქმედებას, რაც მხოლოდ ზრდის და არ ამცირებს ევროპელი მოკავშირეების ნდობას და ამავდროულად ხელს უწყობს საქართველოს ეროვნული ინტერესების დაცვას;

მნიშვნელოვანია, გაძლიერდეს ეროვნული უსაფრთხოების ზომები საქართველოს სუვერენიტეტისა და მისი მოქალაქეების ინტერესების დასაცავად.

ა.ა.ბ) არსებული პრობლემის გადასაჭრელად რეზოლუციის პროექტის მიღების აუცილებლობა:

რეზოლუციის მიღების აუცილებლობა განპირობებულია უსაფრთხოების რისკების გაზრდის ფონზე მყისიერი და ეფექტური ზომების მიღების მნიშვნელობით, რაც მიზნად ისახავს გააძლიეროს ეროვნული უსაფრთხოების ზომები საქართველოს სუვერენიტეტისა და მისი მოქალაქეების კეთილდღეობის დასაცავად.

ა.ბ) რეზოლუციის პროექტის მოსალოდნელი შედეგები:

რეზოლუციის პროექტის მიღების შემდეგ, საქართველოს მთავრობა და აღმასრულებელი ხელისუფლების ყველა შესაბამისი უწყება, მყისიერად და ეფექტიანად, დაარეგულირებს რუსეთის ფედერაციის მოქალაქეებისათვის საქართველოში უკონტროლო მიგრაციას და ამ მიზნით, დაწესდება სავიზო მიმოსვლის რეჟიმი, რუსეთის ფედერაციაში მცხოვრები ეთნიკური ქართველების ინტერესების გათვალისწინებით.

ამასთან, გამოირიცხება რუსეთის ფედერაციასთან მოლაპარაკებები პირდაპირი ფრენების შეზღუდვების მოხსნასთან დაკავშირებით, სანამ არსებული რთული გეოპოლიტიკური ვითარება არ შეიცვლება და პოლიტიკური სიტუაციიდან გამომდინარე საქართველოს წინაშე არსებული რისკები არ იქნება სრულად ნიველირებული.

**ა.გ) რეზოლუციის პროექტის ძირითადი არსი:**

რეზოლუციის პროექტი ითვალისწინებს, რომ საქართველოს მთავრობამ, აღმასრულებელი ხელისუფლების ყველა შესაბამისმა უწყებამ, უნდა იმოქმედონ მყისიერად და ეფექტიანად, რათა:

1. შეიზღუდოს რუსეთის ფედერაციის მოქალაქეებისათვის საქართველოში უკონტროლო მიგრაცია. ამ მიზნით მათი საქართველოში უვიზოდ ყოფნის საერთო ვადა არ უნდა აღემატებოდეს 30 დღეს ნებისმიერ 180-დღიან პერიოდში, რუსეთის ფედერაციაში მცხოვრები ეთნიკური ქართველების ინტერესების გათვალისწინებით. აღნიშნული განაპირობებს მიგრაციის ეფექტიან კონტროლს და რისკების მინიმუმამდე შემცირებას;

2. საქართველომ რუსეთის ფედერაციასთან გააგრძელოს პირდაპირი ავიამიმოსვლის შეზღუდვის რეჟიმი, სანამ არსებული რთული გეოპოლიტიკური ვითარება არ შეიცვლება და პოლიტიკური სიტუაციიდან გამომდინარე ზემოხსენებული რისკები არ იქნება სრულად ნიველირებული.

**ა.დ) რეზოლუციის პროექტის კავშირი სამთავრობო პროგრამასთან და შესაბამის სფეროში არსებულ სამოქმედო გეგმასთან, ასეთის არსებობის შემთხვევაში (საქართველოს მთავრობის მიერ ინიცირებული კანონპროექტის შემთხვევაში);**

აღნიშნული პუნქტი წარმოდგენილი რეზოლუციის პროექტთან მიმართებით არ გამოიყენება.

**ა.ე) რეზოლუციის პროექტის ძალაში შესვლის თარიღის შერჩევის პრინციპი, ხოლო რეზოლუციისთვის უკუძალის მინიჭების შემთხვევაში – აღნიშნულის თაობაზე შესაბამისი დასაბუთება:**

რეზოლუციის პროექტის შინაარსის აქტუალობიდან გამომდინარე იგი ძალაში შევა მიღებისთანავე. პროექტი არ ითვალისწინებს უკუძალის მინიჭებას.

**ა.ვ) რეზოლუციის პროექტის დაჩქარებული წესით განხილვის მიზეზები და შესაბამისი დასაბუთება (თუ ინიციატორი ითხოვს კანონპროექტის დაჩქარებული წესით განხილვას):**

რეზოლუციის პროექტის დაჩქარებული წესით განხილვა არ არის მოთხოვნილი.

**ბ) რეზოლუციის პროექტის ფინანსური გავლენის შეფასება საშუალოვადიან პერიოდში (კანონპროექტის ამოქმედების წელი და შემდგომი 3 წელი).**

**ბ.ა) რეზოლუციის პროექტის მიღებასთან დაკავშირებით აუცილებელი ხარჯების დაფინანსების წყარო:**

რეზოლუციის მიღება არ არის დაკავშირებული რაიმე სახის ხარჯების დაფინანსებასთან.

**ბ.ბ) რეზოლუციის პროექტის გავლენა სახელმწიფო, ავტონომიური რესპუბლიკის რესპუბლიკური ან/და მუნიციპალიტეტის ბიუჯეტის საშემოსავლო ნაწილზე:**

რეზოლუციის მიღება გავლენას არ მოახდენს სახელმწიფო, ავტონომიური რესპუბლიკის რესპუბლიკური ან/და მუნიციპალიტეტის ბიუჯეტის საშემოსავლო ნაწილზე.

**ბ.გ) რეზოლუციის პროექტის გავლენა სახელმწიფო, ავტონომიური რესპუბლიკის რესპუბლიკური ან/და მუნიციპალიტეტის ბიუჯეტის ხარჯვით ნაწილზე:**

რეზოლუციის მიღება გავლენას არ მოახდენს სახელმწიფო, ავტონომიური რესპუბლიკის რესპუბლიკური ან/და მუნიციპალიტეტის ბიუჯეტის ხარჯვით ნაწილზე.

**ბ.დ) სახელმწიფოს ახალი ფინანსური ვალდებულებები, რეზოლუციის პროექტის გავლენით სახელმწიფოს ან მის სისტემაში არსებული უწყების მიერ მისაღები პირდაპირი ფინანსური ვალდებულებების (საშინაო ან საგარეო ვალდებულებები) მითითებით:**

რეზოლუციის პროექტის მიღება არ ითვალისწინებს სახელმწიფოს მხრიდან ახალი ფინანსური ვალდებულებების აღებას.

**ბ.ე) რეზოლუციის პროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება რეზოლუციის მოქმედება, იმ ფიზიკურ და იურიდიულ პირებზე გავლენის ბუნებისა და მიმართულების მითითებით, რომლებზედაც მოსალოდნელია რეზოლუციით განსაზღვრულ ქმედებებს ჰქონდეს პირდაპირი გავლენა:**

რეზოლუციის პროექტი არ გამოიწვევს რაიმე სახის ფინანსურ შედეგებს იმ პირთათვის, რომლებზეც გავრცელდება მისი მოქმედება.

**ბ.ვ) რეზოლუციის პროექტით დადგენილი გადასახადის, მოსაკრებლის ან სხვა სახის გადასახდელის (ფულადი შენატანის) ოდენობა შესაბამის ბიუჯეტში და ოდენობის განსაზღვრის პრინციპი:**

რეზოლუციის პროექტი არ ითვალისწინებს გადასახადის, მოსაკრებლის ან სხვა სახის გადასახდელის (ფულადი შენატანის) შემოღებას.

**ბ<sup>1</sup>) ბავშვის უფლებრივ მდგომარეობაზე რეზოლუციის პროექტის ზეგავლენის შეფასება:**

რეზოლუციის პროექტი არ ახდენს გავლენას ბავშვის უფლებრივ მდგომარეობაზე.

**ბ<sup>2</sup>) გენდერული თანასწორობის მდგომარეობაზე რეზოლუციის პროექტის მოსალოდნელი ზეგავლენის შეფასება:**

რეზოლუციის პროექტი არ ახდენს გავლენას გენდერული თანასწორობის მდგომარეობაზე.

**გ) რეზოლუციის პროექტის მიმართება საერთაშორისო სამართლებრივ სტანდარტებთან**

**გ.ა) რეზოლუციის პროექტის მიმართება ევროკავშირის სამართალთან:**

რეზოლუციის პროექტი არ ეწინააღმდეგება ევროკავშირის სამართალს.

გ.ბ) რეზოლუციის პროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:

რეზოლუციის პროექტი არ ეწინააღმდეგება საერთაშორისო ორგანიზაციებში საქართველოს წევრობასთან დაკავშირებულ ვალდებულებებს.

გ.გ) რეზოლუციის პროექტის მიმართება საქართველოს ორმხრივ და მრავალმხრივ ხელშეკრულებებთან და შეთანხმებებთან, აგრეთვე, ისეთი ხელშეკრულების/შეთანხმების არსებობის შემთხვევაში, რომელსაც უკავშირდება რეზოლუციის პროექტის მომზადება, – მისი შესაბამისი მუხლი ან/და ნაწილი:

რეზოლუციის პროექტი არ ეწინააღმდეგება საქართველოს ორმხრივ და მრავალმხრივ ხელშეკრულებებსა და შეთანხმებებს. რეზოლუციის პროექტის მომზადება არ არის დაკავშირებული ასეთ ხელშეკრულებასთან/შეთანხმებასთან.

გ.დ) არსებობის შემთხვევაში, ევროკავშირის ის სამართლებრივი აქტი, რომელთან დაახლოების ვალდებულებაც გამომდინარეობს „ერთი მხრივ, საქართველოსა და, მეორე მხრივ, ევროკავშირისა და ევროპის ატომური ენერჯის გაერთიანებას და მათ წევრ სახელმწიფოებს შორის ასოცირების შესახებ შეთანხმებიდან“ ან ევროკავშირთან დადებული საქართველოს სხვა ორმხრივი და მრავალმხრივი ხელშეკრულებებიდან:

ასეთი არ არსებობს.

დ) რეზოლუციის პროექტის მომზადების პროცესში მიღებული კონსულტაციები.

დ.ა) სახელმწიფო, არასახელმწიფო ან/და საერთაშორისო ორგანიზაცია/ დაწესებულება, ექსპერტი, სამუშაო ჯგუფი, რომელმაც მონაწილეობა მიიღო რეზოლუციის პროექტის შემუშავებაში, ასეთის არსებობის შემთხვევაში:

ასეთი არ არსებობს.

დ.ბ) რეზოლუციის პროექტის შემუშავებაში მონაწილე ორგანიზაციის/ დაწესებულების, სამუშაო ჯგუფის, ექსპერტის შეფასება რეზოლუციის პროექტის მიმართ, ასეთის არსებობის შემთხვევაში:

ასეთი არ არსებობს.

დ.გ) სხვა ქვეყნების გამოცდილება რეზოლუციის პროექტის მსგავსი კანონების იმპლემენტაციის სფეროში, იმ გამოცდილების მიმოხილვა, რომელიც მაგალითად იქნა გამოყენებული რეზოლუციის პროექტის მომზადებისას, ასეთი მიმოხილვის მომზადების შემთხვევაში:

ასეთი მიმოხილვა არ მომზადებულა.

ე) რეზოლუციის პროექტის ავტორი:

ანა ბუჩუკური, ბექა ლილუაშვილი, მიხეილ დაუშვილი, გიორგი ხოჯევანიშვილი, შალვა კერესელიძე.

**ვ) რეზოლუციის პროექტის ინიციატორი:**

ანა ბუჩუკური, ბექა ლილუაშვილი, მიხეილ დაუშვილი, გიორგი ხოჯევანიშვილი, შალვა კერესელიძე.